

# U G O V O R

## O KUPOPRODAJI KOMPJUTERSKOG MATERIJALA- TONERI I DEVELOPERI

Zaključen u Sarajevu, između:

### UGOVORNIH STRANA:

**AGENCIJE ZA RAD I ZAPOŠLJAVANJE BOSNE I HERCEGOVINE**, ul. Đoke Mazalića 3/1, 71000 Sarajevo, koju zastupa mr. Vedad Hindija, v.d. direktora,(u daljem tekstu: Kupac),  
**i**  
**PC PLUS d.o.o. Sarajevo**, ul. Valtera Perića 14. Sarajevo, koje zastupa direktor Merka Smajilović (u daljem tekstu: Prodavac).

### Predmet ugovora:

#### Član 1.

Predmet ovog ugovora je kupoprodaja kompjuterskog materijala- tonera i developera za potrebe Kupca za budžetsku 2023. godinu.

Ukupna cijena iznosi 2.521,37 KM bez PDV-a, odnosno 2.950,00 KM sa uključenim PDV-om.

#### Član 2.

Kupac i Prodavac su saglasni da ovaj ugovor realizuju prema definisanim uslovima u direktnom postupku javne nabavke roba, prema ponudi br. 23-010-0416 od 12.04.2023. godine. Specifikacija kompjuterskog materijala- tonera i developera je sastavni dio ovog ugovora.

#### Član 3.

Prodavac se obavezuje da će u skladu sa članom 2. ovog ugovora isporučiti robu Kupcu, na adresu Kupca (fco Kupac).

Prodavac se obavezuje dostaviti Kupcu robu kvalitete, u skladu sa tenderskom dokumentacijom u traženim količinama, narednog dana od dana dostavljanja pismene narudžbenice.

#### Član 4.

Prodavac se obavezuje da će sva roba koja će se isporučivati Kupcu, biti označena i deklarirana u skladu sa važećim Zakonom o standardizaciji, Zakonom o vanjskotrgovinskom poslovanju, te drugim važećim propisima i isporučena u roku od 24 sata od ispostavljenog zahtjeva.

#### Član 5.

Prodavac će naručenu robu fakturisati na osnovu primljenih narudžbi i izdatih otpremnica potvrđenih od strane Kupca da je robu preuzeo, i to najkasnije u roku od 5 (pet) dana od datuma prijema robe.

#### Član 6.

Plaćanje fakture za isporučenu robu, Kupac će vršiti u roku od 30 dana od dana prijema fakture i uredno izvršene isporuke, na žiro račun prodavca: 161-00000-370-600-67 kod Raiffeisen Bank.

#### Član 7.

Prodavac nema pravo da zapošljava, u svrhu izvršenja ugovora o javnoj nabavci, lica koja su učestvovala u pripremi tenderske dokumentacije ili su bila u svojstvu člana ili eksperta Komisije za nabavke, najmanje šest mjeseci po zaključenju ovog ugovora.

#### Član 8.

Ugovorne strane mogu ovaj ugovor raskinuti i prije njegovog isteka, ukoliko se jedna od strana ne bude pridržavala odredaba ovog ugovora ili ukoliko kvalitet dostavljene robe ne zadovoljava i ne podržava normalno funkcioniranje printera, uz prethodno izmirenje svih obaveza po isporučenim količinama.

#### Član 9.

Otkazni rok po ovom ugovoru je 5 (pet) dana, a po isteku ovog roka Ugovor se smatra raskinutim.

#### Član 10.

Obje ugovorne strane su saglasne da će se pridržavati zakonskih propisa, da će čuvati poslovnu tajnu i pridržavati se poslovnih običaja.

#### Član 11.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće nadležan je Sud Bosne i Hercegovine.

#### Član 12.

Ovaj ugovor je sačinjen u 4 (četiri) istovjetna primjerka, od kojih po 2 (dva) zadržava svaka od ugovornih strana.

**Kupac:**  
**Agencija za rad i zapošljavanje**  
**Bosne i Hercegovine**

**V.d. Direktora, mr. Vedad Hindija**

Broj:

Sarajevo,

06-10-7-12-6/23  
19.04.2023.

**Prodavac:**  
**"PC PLUS" d.o.o. Sarajevo**

**Direktor, Merka Smajilović**

Broj:

Sarajevo,

19.04.2023